



199

Na osnovu člana 73. stav 4. Zakona o pravima, obavezama i odgovornostima pacijenata ("Službene novine Federacije BiH", broj 40/10), federalni ministar zdravstva donosi

**PRAVILNIK  
O ZDRAVSTVENOM SAVJETU FEDERALNOG  
MINISTARSTVA ZDRAVSTVA**

**I – OPĆE ODREDBE**

Član 1.

Ovim pravilnikom određuje se broj i sastav članova Zdravstvenog savjeta Federalnog ministarstva zdravstva (u daljnjem tekstu: Zdravstveni savjet), mandat, način izbora i razrješenja članova, poslovi i zadaci, način rada i način finansiranja.

Član 2.

Zdravstveni savjet je savjetodavno tijelo koje prati provođenje ostvarivanja prava pacijenata, a u okviru prava i obaveza na teritoriji Federacije Bosne i Hercegovine (u daljnjem tekstu: Federacija).

**II – ZDRAVSTVENI SAVJET**

Član 3.

Zdravstveni savjet iz člana 2. ovog pravilnika imenuje i razrješava federalni ministar zdravstva.

Mandat članova Zdravstvenog savjeta traje 4 (četiri) godine.

Član 4.

Zdravstveni savjet ima osam članova, koji se biraju iz reda istaknutih stručnjaka, sa dokazanim moralnim i etičkim kvalitetima, u oblasti medicinskih, pravnih, ekonomskih, obrazovnih nauka, stručnjaka iz oblasti ljudskih resursa, etike i bioetike.

Zdravstveni savjet u obavljanju poslova i zadataka iz člana 74. Zakona o pravima, obavezama i odgovornostima pacijenata, predstavlja i zastupa interese pacijenata, mladih, Federalnog ministarstva zdravstva, komora iz oblasti zdravstva, stručnih udruženja, udruženja za zaštitu prava pacijenata, sindikata zdravstvenih ustanova, odnosno privatnih praksi, kao i Crvenog krsta/kržiša sa teritorije Federacije Bosne i Hercegovine.

Na osnovu javnog poziva Federalnog ministarstva zdravstva, prijedlog članova za Zdravstveni savjet dostavljaju udruženja i nevladine organizacije koje su najmanje pet godina upisane u registar na federalnom nivou, nezavisni strukovni sindikat radnika zaposlenih u zdravstvu Federacije Bosne i Hercegovine, komore iz oblasti zdravstva i Crveni križ/krst Federacije Bosne i Hercegovine.

Kandidat za člana Zdravstvenog savjeta, pored općih uvjeta, treba da ispunjava sljedeće posebne uvjete:

- da je punoljetni državljanin Bosne i Hercegovine,
- da ima minimalno tri godine radnog iskustva u oblasti u kojoj se kandidira,
- da uživa ugled i ima evidentne rezultate rada u oblasti u kojoj djeluje.

Član 5.

Predsjednik i članovi Zdravstvenog savjeta mogu biti razriješeni i prije isteka mandata na koji su imenovani.

Federalni ministar zdravstva može razriješiti predsjednika i članove Zdravstvenog savjeta i prije isteka mandata, i to:

- na lični zahtjev;
- ako ne ispunjava svoje dužnosti kao član Zdravstvenog savjeta u skladu sa Poslovnikom o radu (nedolazak na sjednice i sl.).

Član 6.

Poslovi i zadaci Zdravstvenog savjeta utvrđeni su u členu 74. Zakona o pravima, obavezama i odgovornostima pacijenata.

Član 7.

Zdravstveni savjet u okviru razmatranja izvještaja zdravstvenih savjeta kantonalnih ministarstava zdravstva, prati provođenje ostvarivanja prava pacijenata s akcentom na:

- 1) dostupnost zdravstvene zaštite, uključujući i pravo na hitnu medicinsku pomoć;
- 2) pravo na informiranost pacijenta o njegovim pravima i obavezama;
- 3) povjerljivost informacija i privatnost, odnosno tajnost podataka iz medicinske dokumentacije.

Zdravstveni savjet daje mišljenja, preporuke i prijedloge zdravstvenim savjetima lokalne samouprave, kantonalnim zdravstvenim savjetima, kantonalnim ministarstvima zdravstva, kao i Federalnom ministarstvu zdravstva u cilju unapređenja prava pacijenata, dopune postojećih propisa, a posebnim akcentom na unapređenje i zaštitu prava trudnica i djece, mladih i starih osoba, osoba sa onesposobljenjima, osoba sa mentalnim poremećajima i oboljenjima i o zaštiti prava pacijenata koji pripadaju ugroženim i vulnerabilnim grupama.

Član 8.

Zdravstveni savjet donosi poslovnik o radu kojim se bliže uređuje organizacija i način rada.

Administrativne poslove za Zdravstveni savjet vrši Federalno ministarstvo zdravstva.

Član 9.

Zdravstveni savjet podnosi federalnom ministru zdravstva izvještaj o radu, najmanje jednom godišnje, a po potrebi, na zahtjev federalnog ministra zdravstva, i za kraći period.

Izvještaji iz stava 1. ovog člana, radi dostupnosti javnosti, objavljuju se na web stranici Federalnog ministarstva zdravstva.

Član 10.

Predsjedniku i članovima Zdravstvenog savjeta pripada naknada u skladu sa Odlukom o načinu obrazovanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe ("Službene novine Federacije BiH", broj 14/11).

Visina naknade iz stava 1. ovog člana utvrđuje se posebnim rješenjem.

**III – PRELAZNE I ZAVRŠNE ODREDBE**

Član 11.

Ovaj pravilnik stupa na snagu osmog dana od dana objavlivanja u "Službenim novinama Federacije BiH".

Broj 01-37-401/12

20. januara 2012. godine  
Sarajevo

Ministar  
Prof. dr. **Rusmir Mesihović**, s. r.

Na temelju članka 73. stavak 4. Zakona o pravima, obavezama i odgovornostima pacijenata ("Službene novine Federacije BiH", broj 40/10), federalni ministar zdravstva donosi

**PRAVILNIK  
O ZDRAVSTVENOM VIJEĆU FEDERALNOG  
MINISTARSTVA ZDRAVSTVA**

**I – OPĆE ODREDBE**

Članak 1.

Ovim pravilnikom određuje se broj i sastav članova Zdravstvenog vijeća Federalnog ministarstva zdravstva (u daljnjem tekstu: Zdravstveno vijeće), mandat, način izbora i razrješenja članova, poslovi i zadaci, način rada i način financiranja.

Članak 2.

Zdravstveno vijeće je savjetodavno tijelo koje prati provođenje ostvarivanja prava pacijenata, a u okviru prava i obveza